

所羈牽也宣帝時匈奴乖亂五單于並爭漢擁立呼韓邪單

于而郅支單于怨望殺漢使者西阻康居師古曰依其險阻以自保

固也其後都護甘延壽副校尉陳湯發戊己校尉西域諸

國兵至康居誅滅郅支單于語在甘延壽陳湯傳是歲

元帝建昭三年也至成帝時康居遣子侍漢貢獻然自

以絕遠獨驕嫚不肯與諸國相望都護郭舜數上言本

匈奴盛時非以兼有烏孫康居故也及其稱臣妾非以

失二國也漢雖皆受其質子然三國內相輸遺交通如

故亦相候伺見便則發合不能相親信離不能相臣役

以今言之結配烏孫竟未有益反爲中國生事然烏孫